

宜城縣續志卷下

列女志

自宋儒興大義彰明屬在閨闈咸知守貞巾幗其身佩紱其行前編所錄樹之風聲彼髮知慕望途爭赴蘖苦蓼辛安之若素歲在柔兆漢東寇擾之子蹈義心同日皦女也而士卓卓人表揚以激濁頹俗可矯續列女

周氏何楷妻楷卒氏年二十二僅遺一女嗣堂姪學禮教之成人爲娶婦潛氏甫三歲學禮死亦僅一女潛矢志養姑事姑至孝縮食以備甘旨周守節四十餘

宜城縣續志

卷下

列女志

一

年以壽終潛殯諸堂曉夜號攀二十年如一日咸豐二年粵匪上竄潛懼罹兵火乃移葬宅旁朝夕哭拜墓前有古人刻木攀柏風如是者又二十年乃卒卒之時紅光滿室遠近異之兩世苦節而潛之孝尤人所難及同治十二年同旌

李氏張先盛妻年二十五而寡守節撫孤備嘗艱苦光緒六年旌

雷氏李慶蘭妻年二十五而寡守志奉翁姑盡心罔懈現年五十三歲光緒六年旌

熊氏周高望妻年二十五而寡時翁姑年邁氏竭力承

志能得歡心現年五十三歲光緒六年 旌

魏貞女嚴德煥聘室煥卒貞女爲煥守志奉事翁姑曲盡孝道翁病年餘貞女侍疾無稍懈翁嘆曰吾得是女無子而不啻有子也咸豐八年縣令梁照獎以節比冬青匾光緒二年卒光緒三年 旌藝文志有傳魏氏廩生張炳常妻炳常以勤學邁疾終時氏年二十三歲操矢冰清依孀姑苦守現年六十歲光緒元年 旌

以上係已旌

鄧氏楊士瀛妻性溫和慈愛而皦然明大義每誓賊至

宜城縣續志

卷下

例女志

二

必死同治五年十二月三十日髮捻擾漢東氏恐被汚即投水死時年三十五歲

胡氏劉友官妻年二十一歲髮捻至攜二女同溺於河方氏楊士江妻年二十六歲髮捻至欲虜氏去氏罵賊赴水死

楊女大姑二姑楊士謙女年皆及笄除夕之亂同赴水死

李氏劉漢香妻年二十一歲家素貧然識大義髮捻至赴水死

陳氏王有鈞妻同治五年髮捻之來氏抱女嬰避亂與

有鈞相失遇賊欲虜之去氏據地不起罵不絕口賊怒殺之賊去三日有鈞尋得其尸面如生嬰猶在懷中呱呱索乳也

何氏郝正義妻同治五年除日正義爲賊逼溺於何氏亦赴河死時年三十歲

陳氏劉漢福妻何氏劉漢祿妻楊氏劉漢銀妻同治五年賊以除日至漢福與兄漢昇弟漢祿堂弟漢銀以堵賊死三氏恐賊見污各攜其子女赴水死一門殉亂死者十三人遠近哀之

王氏李金兆妻年二十一歲同治五年髮捻以除日至

宜城縣續志

卷下

例女志

三

氏未及避賊脅之去氏罵不絕口賊以刃割其腹氏仍罵不休賊乃斬其首去

李氏陳世富妻年二十四歲同治五年避賊走出賊見而追之氏恐不能脫赴水死

王氏李光輝妻除夕之難赴水死

李氏文化齊妻賊至赴水死時年二十二歲

李氏侯正祿妻年二十一歲賊至逼污氏大罵不屈賊怒殺之

朱氏楊士立妻同治五年捻賊之亂赴河死

劉氏羅文煥妻年二十一歲同治五年髮捻至氏懼遭

賊污抱女溺於河

龔氏李純修妻年二十三而寡撫孤守志貧困不移後子亦逝氏孤獨無依紡績度日同治五年賊至赴水死時懼爲賊污溺水而死者又有許威然之妻何氏楊友德之妻羊氏許太之妻沈氏姚榮生之女蕭金虎之妻袁氏金美之妻童氏與其女陳名情之妻王氏與其女及姪女又自賊中出者言有少婦被賊擄抵死不從兩賊以繩係而曳之婦極口肆罵至古河口衣履悉沾泥面破髮鬚髻而罵愈厲賊怒破其腹去惜不知其姓名

宜城縣續志

卷下

列女志

四

丙寅之難捻賊由安陸上竄以除日至縣境自流溝官莊上及龔家腦南營古河龍坑等處居民蒼黃不及避捐軀赴義者比比而是前志已續入列女志矣第一時未及周知不無遺漏茲復詳查補入嗚乎舍生成仁丈夫所難而女子顧知所決擇義不反顧如此於此見天地正氣不擇人而鐘而

聖朝表章節烈其所觀感者亦深矣

王氏秦玉妻年二十三而寡守志養舅姑克盡婦道舅死姑老氏事之尤曲至起居親自扶掖姑年八十餘

而終氏未嘗有倦意也無子立姪應魁爲嗣金氏玉姪應藻繼妻年十七歸應藻逾年寡而前妻子女俱幼不隔膜視竭力爲營婚嫁又善事王相依如命皆以節終王守節六十年金守節十五年

汪氏王休妻年二十三而寡矢志守節四十七年現年七十歲立猶子爲嗣訓之慈嚴交備

逯氏王金盈妻年二十一而寡善事舅姑教子成立守節二十五年而歿

陳氏楊太德妻年二十六而寡守節三十六年而歿艱苦一生勤儉自厲晚年家道小康訓三子皆克成立

宜城縣續志

卷下

例女志

五

劉氏楊士延繼妻士延病三載躬侍湯藥夫歿氏年二十九誓以身殉姻族責以大義則忍死教子而待前妻子尤慈愛現年六十一歲

汪氏章體清妻家僅小康道光二年田爲沙壓廬亦燬於火體清無以自存恚而縊死時氏年二十八歲子皆幼困至不舉火族鄙勸之再蘸氏慷慨自矢茹苦守志教子成立年八十三以節終

尙氏蒯元善妻年二十四而寡事雙親終養撫二子成立現年五十九歲

■ 氏劉肯堂妻年二十七而寡遺孤二氏訓之嚴長子

子寯成弟子員次亦克家現年六十一歲  
蕭氏李椿妻年二十六而寡孝事舅姑舅病危服葯罔  
效潛割股肉烹以進越日病瘳迄今刀痕未泯人以  
爲孝感現年七十八歲

曾氏汪德配妻年二十一夫故欲自盡以舅姑老遂暫  
作未亡人養生送死昏盡其禮年七十六以節終  
蕭氏陳憲虞妻年十九而寡堅貞守志事舅姑無問言  
立姪爲嗣中年亦沒民撫弱孫教以義方年七十四  
終

王氏郝協中妻年十九而寡矢志柏丹姑逝世喪之盡哀  
宜城縣續志  
卷下  
列女志  
六  
立姪爲嗣守節十九年卒

王氏吳價妻年二十四而寡遺孤病啞娶媳亦病後俱  
天亡僅遺弱孫氏操持愈堅勤儉起家遂致豐亨八  
十二歲終

王氏陳鈺妻年二十四而寡時有以家貧勸之嫁者氏  
號啼誓不欲生舅姑善言撫慰乃忍死從命事親至  
謹菽水能承其懽舅姑相繼辭世竭力成禮自是以  
紡績度生身彌孤而志彌篤現年五十四

鄭氏楊萬年妻年二十八而寡志欲殉夫以姑年邁勉  
作未亡人立姪有序爲嗣現年六十三

林氏李正全妻年二十一而寡善事舅姑曲盡孝道現年五十二歲

袁氏從九楊恒德側室夫歿氏好善樂施嘗捐錢二百餘緡獨修璞市石橋同治六年秋水泛漲氏出蠶豆數十石以活人七年春荒復出穀以濟貧乏子煥以力學天媳杜氏撫族姪承祧所遺田產半供禋祀半充邑賓興鄉人咸稱爲好善之家

羅氏王澤寬妻年十八而寡舅姑老夫弟幼族豪欺其弱謀再醮之已糾眾篡去至娶者之門氏抵死不從以頭觸木石幾破觀者咸義之羣送之歸後歷諸艱宜城縣續志

卷下

列女志

七

無悔厥志蓋四十八年如一日也

劉氏李得春妻年二十二而寡撫孤柱周就職從九品現年六十一歲

李氏胡應崇妻年二十三而寡事舅姑以孝稱教子有義方現年八十五歲

陳氏尙潤妻年二十五而寡遺腹子登發教之成立就從九職歷節三十七年卒

張氏劉正雄妻年二十七而寡養舅姑靡不盡誠子世藩中年短折撫孫成立現年七十四歲

閔氏李鳳舞妻年二十九而寡無子撫姪承祧無異己

出養親孝持家勤以貧窶起家現年八十六歲

余氏魯永發妻年二十一而寡矢志貞堅事親盡禮教子有方現年五十六歲

任氏耿海揚妻年二十九而寡家貧親老氏苦節撫孤事親孝順教子成立現年七十一歲

羅氏王烱燃妻年二十九而寡遺二孤亦相繼亡氏獨任艱苦孝養舅姑現年七十二歲

龐氏李貞修妻年二十而寡孝養舅姑撫孤成立以節終

陳氏李延功妻年二十七而寡家貧甚遺三子俱幼茹

宜城縣續志

卷下

列女志

八

苦勵志撫之成立三十餘年艱苦備嘗現年六十歲  
方氏陳懷義妻年二十七而寡撫孤成立現年六十歲  
童氏李樹妻年二十四而寡立志養親撫子成立五十七年而歿

李氏屈宗海妻年十九而寡孝養舅姑生事葬祭無缺禮現年五十八歲無子立姪爲嗣

李氏胡楚璘妻年二十七而寡孝事舅姑撫猶子教之慈嚴交備克入武庠現年六十四歲

沈氏李儀琴妻年十八夫故氏哭泣不輟守節十年而歿無子立姪爲嗣



侯氏何登璽妻同治二年登璽以禦捻賊陣亾時氏年二十八歲亦爲賊逼諸河賊去遇救得不死矢志不嫁歷節二十年而歿

文氏嚴用中妻年二十九而寡養親教子能繼夫志歷節二十五年而歿

羅氏時敬慎妻年二十一而寡舅姑俱老家貧能承菽水懽死亦盡哀盡禮歷節四十七年而歿

余氏黃兆鳳妻年二十六而寡事親撫孤孝慈兼備現年六十二歲

閔氏范宗炳妻年二十一而寡矢志撫孤現年五十二歲

宜城縣續志

卷下

列女志

九

李氏楊春先妻年二十四而寡撫孤成立享年六十八歲  
蕭氏彭登瀛妻年二十四而寡矢志養姑時姑亦孀而老能得其懽心姑歿葬祭盡禮嗣姪奉祀現年六十一歲

陳氏章復文妻年二十六而寡現年六十三歲冰霜之志老而彌篤

羅氏余高益妻年二十五而寡事親教子胥克盡道歷節三十四年

阮氏屈功位妻年二十五而寡遺一子一女數年俱夭氏矢志不移家貧甚紡績度日後稍積有餘貲時時

助其兄嫂治田二十餘畝充作祠田以奉先祀現生七十三歲

李氏文生史策淵妻年二十九而寡善事舅姑立猶子能材爲嗣教之成立就職從九品現年五十九歲  
朱氏余杞妻年十七歸杞踰年紀逝氏志在殉夫舅姑責以大義乃勉作未亡人立姪大鵬爲嗣以養以教俾克成立壽七十三以節終  
李氏候選通判周宏謨妻宏謨死難於陝氏千里扶櫬歸險阻備嘗六年漢水溢爲灾家業蕩然氏艱苦萬狀益孝親教子不倦守節十二年終

宜城縣續志

卷下

列女志

十

丁氏監生王均妻年二十七而寡賦性貞靜事姑善全孝道三子俱就職現年六十一歲

賈氏丁廣生妻年二十一而寡撫遺腹子至於抱孫境彌苦而節彌堅現年六十歲

李氏曾福來妻年二十九而寡謹事孀姑撫三月孤得成立現年五十九歲

王氏唐瑤妻年二十四而寡一志矢節善事舅姑人無間言子明楚以軍功保千總後以疾亡氏與孀媳撫遺腹孫現年七十四歲

雷氏州同吳成德妻年二十八而寡事舅姑惟謹擇師

教子不使近邪僻之習長子永壽已列膠庠現年五十九歲

陳氏匡訓妻年二十八而寡食貧勵志白首不移現年六十七歲

周氏陳發元妻年十九而寡時舅姑年老氏勉作未亡人以婦道兼子道立姪爲嗣姪生月餘母亡氏鞠之不憚勤勞長爲延師課讀俾克成立現年五十六歲童氏黃汝醕妻年十九而寡撫遺腹子堅苦自勵歷節五十七年而歿

王氏武生李德揚妻年二十八而寡遺孫纔三月堅貞

宜城縣續志

卷下

列女志

十一

自矢以勤儉起家後致小康歷節四十六年而歿

彭氏黃汝璧妻嘉慶丙辰白蓮教匪倡亂汝璧以旗勇從侍衛烏勦賊馬頭山陣亡時氏年二十四姑老子幼家極貧茹苦守志竭力以養姑自食菜根而已一衫百結補綴如衲重至六斤晚境豐腴猶著六斤不易也苦節四十四年而沒沒後子恒舉其衫泣以訓家人云

劉氏章潤體妻性敦厚事舅姑克孝處娣姒能和婦道無虧年二十六夫故勵志堅守卒以勤儉起家苦節而得甘焉現年六十六歲

劉氏楊以文妻年二十三而寡撫孤成立現年八十歲  
李氏肖錦美妻年二十四而寡事舅姑以孝聞教子廷  
輔成弟子員現年六十五歲

任氏王世華妻年二十六而寡現年五十六歲老而彌  
貞

王氏李登選妻年二十八而寡茹苦含辛教子有義方  
年五十五以節終

曾氏徐德妻年二十九而寡撫遺孤教之義方子甫娶  
妻而天氏艱苦益甚人共傷之現年五十四歲

劉氏王世明妻年二十九而寡貞操自矢慈孝兼至現  
宜城縣續志

卷下

列女志

十二

年八十歲

彭氏龍逢年妻年二十八而寡撫子成立現年六十一  
歲

黃氏宋以文妻年二十六而寡矢志撫孤歷節四十六  
年

袁氏張元學妻年二十九而寡事舅姑撫孤子克孝克  
慈年八十四以節終

王氏陳自修妻年二十四而寡現年五十七歲

雷氏胡義學妻年二十九而寡姑老子幼氏獨任事畜  
計克勤克儉家道小康年七十一終

王氏李登善妻年二十九而寡家貧甚氏刻苦自勵不改貞操現年七十八歲

周氏左 妻年二十八而寡勤儉起家教子成立歷節六十年以壽終

唐氏聶 妻年二十七而寡教子撫孫守節三十六年李氏郭金魁妻年十八于歸逾年夫以家貧貿易不歸久無耗時舅姑老矣氏竭力以養沒亦喪之盡禮既又念夫久不歸必已物故乃招魂以葬立墓碣以己祔之死之日族中人合葬之成其志也

童氏李鳳翥妻年二十七而寡撫孤子克繼家聲現年

宜城縣續志

卷下

列女志

十三

六十二歲

胡氏李正選妻年二十一而寡矢志靡他教子成立現年五十一歲

姚氏文庠生熊楚珍妻年二十八而寡家不中貲遺孤尚在襁褓中伶仃孤苦甘之如飴素性莊靜不苟言笑稱未亡人後尤懍然數十年未改戚容守志三十四年

楊氏廩生姚際銓妻年二十八而寡遺孤一二爲遺腹以養以教俾至成人卒年五十八

劉氏陳曰林妻二十六歲寡貧無以自存氏艱苦自矢

卒撫二子俾克成立現年八十歲

顧氏潘大緒妻年八士克見元孫

劉氏朱家華妻貧家婦也現年百有十歲精神猶健操  
作不啻壯婦焉

丁氏張敬禮妻年十九而寡歷節六十三年

譚氏張元富妻年二十八而寡歷節四十五年

章氏張有才妻年二十九而寡現年六十一歲

王氏李鳳鳴妻年二十八而寡歷節三十一年

王氏廩生易大猷側室二十六歲寡撫子文馥成弟子  
員現年五十八歲

宜城縣續志

卷下

列女志

十四

高氏庠生龔彤銘妻二十歲寡現年五十六歲子滋文  
成弟子員

李氏龔長修妻年十八而寡現四十九歲

彭氏陳光朝妻年二十七而寡現年五十六歲

李氏龔 梁妻年二十六而寡時舅姑俱老子世成尙  
在襁褓中氏獨任事畜計家中中貲甘旨之供饘粥  
之費俱從十指出然能得堂上懽心舅姑歿喪葬胥  
盡禮嚴於訓子不爲舐犢愛稍長即令就外傅嗇縮  
以供脩脯資學既成以督運北上不獲就童子試乃  
納粟爲國子監生運十年始歸氏主持家務課諸孫

日益勤後孫錫齡步雲俱成第子買錫謨就職從九品曾孫元龍武庠氏之教也性素好施迨家計饒益克竟其所欲爲凡利濟之事捐多金無吝色而自奉仍泊如也享年八十餘親見五代孫卒之日元孫傳宗已十齡矣道光十七年學憲王給匾旌其門梁氏邱宗棠妻年二十一而寡孝事姑嫜立堂孫壽先爲嗣躬親教養歷節五十年而歿

劉氏閔炯妻二十歲夫故氏即欲身殉以親老子幼乃勉作未亡人養親教子艱苦萬狀迨親喪後子冠婚畢卒縊以殉

宜城縣續志

卷下

列女志

十五

朱氏陳第元妻二十七歲寡事孀姑撫弱子子亡立嗣以節終

王氏譚鍾濬妻二十四歲寡以哭夫喪明撫子成立年八十六歲以節終

姜氏阮名煦妻二十歲寡守志完節終

沈氏譚澤報妻二十七歲寡貧苦持家撫二子成立以節終

彭氏王玉妻二十六歲寡事親孝撫子慈而能嚴子亡撫孫亦如之持家勤苦現年六十一歲

宜城縣續志卷下

藝文志

文心紉繹日出日新仰維曩哲無薄後人況生茲里與宋宅鄰摘其香豔胡不彬彬亦有鴻筆闡揚人倫實行克肖文章有神著錄其尤以繼前塵續

藝文

壽封翁觀吾王年丈六十序

明太子太師中極殿大學士

張居正

太岳

余與宜城觀吾王子同庚子鄉試余時年十六王子年三十七王子博學邃養厚積而晚發余以童稚淺薄謬爲有司所錄獲從王子之後其視王子丈人行也不敢

宜城縣續志

卷下

藝文志

十六

肩隨焉數年王子始仕爲理臨江府晉霸州太守致仕而其子道甫舉王子鄉試第一登進士拜南宮王子自其家來視道甫會余京師相與道故事叙疇好蓋去庚子之秋二十餘年而余亦年三十七矣顧視王子則其貌蒼然而光其氣盎然而揚神清體健無殊疇昔而余以多病早衰平居氣不充形臨事力不副意昔人所謂已成老翁但未白頭耳憶與王子並翼秋風同聽鹿鳴當其時余爲少年王爲壯夫乃今轉盼之間遂成陳迹不惟浮名身外無可控搏即吾所有之身已非曩時之舊矣是不亦可慨也哉夫人身百年耳而精神意慮每



隨血氣以爲盛衰往往見人其盛時氣若奔馬顏若槩  
華或奮於義氣臨大難決大疑議不返顧計不旋踵虎  
視一世而心雄萬夫及其形摧力盡志靡心灰蓋有百  
鍊之剛化爲繞指者矣故騏驥罷於遲暮強弩頓於未  
力若是者豈其勇怯彊弱頓殊哉無道以馭之而隨其  
氣爲盛衰是以日徂月化而莫能自止耳夫惟至人有  
道之士其天定其神凝其天定故不與世俱移其神凝  
故不與形俱敝方其壯也衆方馳騖剽而彼或斂之  
若無及其老也人皆萎憊阻喪而彼則鍊之愈銳四時  
之變生長凋謝日交代平前而其守如一則有道以馭  
宜城縣續志

卷下

藝文志

十七

之也故強弱氣也榮瘁形也不作而自強不澤而常榮  
非形非氣湛然常存者是不可得而名言也嗚呼非天  
下之至深孰能與於此哉今年七月十二日王子年六  
十道甫以余有世講之誼蘄余言以爲壽余觀王子年  
雖周甲體力方彊別來數十年精神意氣會不少變蓋  
若庶幾平有道以充其形而不隨氣以爲盛衰者余也  
知雖及之力有弗逮世務溷其虛明趣舍淆其思慮常  
恐日月易往與衆俱盡追維今昔深用慨然異日且當  
與王子杖藜擔笠遺世獨往登祝融躡鹿門以求所謂  
至人者而證之王子其肯從我哉

辛巳冬於藏書舊家獲讀張文忠公全集內載此序及壽詩一什考邑耆舊志王麒字子仁領嘉靖庚子鄉薦初理臨江擢守霸州次子凝字道甫中嘉靖王子鄉試第一丙辰成進士與序悉合其爲王麒無疑觀吾或其別號歟愚按太岳輔明神宗於沖齡綜覈名實綱舉目張十餘年內難不萌外患胥靖其所以維泰山而固金甌者視三楊蹇夏諸公勲業尤煥後雖謗讟交興而事久論定終難沒其功在社稷洵救時之賢相當代之偉人也今披此序氣度雄渾襟懷超卓且多見道之言可謂吉光片羽宜亟登之以爲

宜城縣續志

卷下

藝文志

十八

志乘光

簠軒氏謹識

貢士龔君淡遠傳

特授襄陽府知府周

凱

君諱照字淡遠宜城嗜義鄉人先世因宦家楚爲衣冠望族明季有婦人罵賊投河死者爲君太高祖庠生必達妣吳氏高祖今望廩生候選知縣曾祖尚德歲貢生祖湄庠生父國梁太學生以孝行著生子三長輝季杰君其仲也生而穎悟少讀書過目不忘補弟子員有聲黌序間事親純孝父晚年病健忘醫視之皆謂不治君扶持不離左右每事曲揣中志病賴以愈事母吳氏養與喪俱盡禮治家婦人不得與外事兄弟商議而行白首猶若孺子歡君雖儒生有經濟才嘉慶初年邑有聚

宜城縣續志

卷下

藝文志

十九

眾誦經者邑令屈將以兵勦之君請懲其渠魁一人餘復示以大義事遂解白蓮逆匪至君兄弟三人糾約村眾捍禦多方賊遂避去又嘗爲書遺諸旗頭謂清除逆黨務在核實不可濫及無辜諸紳感其意獲釋甚多寇退被掠子女悉訪其家捐貲送歸時逢歲饑凡貧不能自給者君皆以粟賙之閩省士人劉唐流落依君存活偶他出疾作急呼人曰請以我歸龔君請以我歸龔君目不能視猶喃喃呼歸龔君不絕比聞君聲倏張目視曰吾無憂矣言訖而瞑爲經理後事無缺里中訛言有神石能愈病禱祠日眾君袖其石置諸河訛言以息接

物未嘗有忤色見人善輒稱不容口至遇不韙必正容相規極力阻止若躬受其汙者故凡僂子盍夫所行惟恐君知多悔悟化爲端士目爲嗜義先生歿後有一男子突八致奠哭聲甚哀舉家莫識其故細詢彼自道乃二十年前作不肖事爲君所責不忍送官因改行服賈遠方已獲小康非君焉有今日其他如修橋梁施茶藥葬骼胔皆見義必爲者也書法遒健邃於經學著有四書典覽五經輯說周禮爾雅纂疏卒於道光甲申距生於乾隆辛巳壽六十四元配李氏早卒繼配楊氏有賢德子四長培因次鯤颿廩生次鯤颿庠生次培圻

宜城縣續志

卷下

藝文志

二十

論曰余以勘鍾宜兩縣民堤至宜城鄉村與諸紳耆語問可爲邑中矜式者皆舉君以對且謂講學者近腐無濟實用喜事者任術未必公正惟君素行服衆不隨不激真能使薰其德者善良時君嗣鯤颿已爲余觀風拔冠諸生方冀相見有日而君竟溘逝矣及鯤颿乞余立傳遂據其行狀證以所聞於諸紳耆者爲論次之庶幾有道之碑無愧色乎

書龔君淡遠傳後

辛丑狀元

龍啓瑞

龔子雲九品學兼優士也余雅重之延課二子旋以時方多故鄉人共邀還里未歸前數日肅衣冠攜前輩周芸阜按察所作尊翁淡遠傳示余取讀之文直事核無俟更贅顧傳中所載君遺諸旗頭書僅渾括大意余因團練爲今日要務急索觀其辭得悉是時白蓮教匪煽亂各處間有逆黨當道多諭鄉紳爲旗頭假以事權得專行戮君與本邑諸紳皆友善互爲聲援以拒賊其遺書略曰今之逆賊非出敵國外患食 本朝百餘年

厚恩不思圖報敢於謀逆亂臣賊子人人得而誅之原

宜城縣續志

卷下

藝文志

二十一

不得借口殺降之成專事姑息以養癰貽患但人情奸險愈出愈奇或因素有嫌隙或因欲占產業輒妄誣爲逆黨巧構形似用相陷害爲一網打盡之謀深可痛恨我輩今日所自盡者惟在簡練鄉勇申明道理蓄養銳氣以助官軍而禦外寇譬如人身有病必元氣復然後邪氣除也至遇此等事件務須細心訪察情真罪當然後行法切不可聽一面之辭遽虐無辜視人命爲兒戲歐陽子云求其生而不得則死者與我無恨也願諸君共體此意何如時諸紳有素性激烈果於殺戮者得書暴爲稍霽亦開釋甚多信乎仁人之言其利溥哉雖君

之善行固不盡此而此亦其大端也余故特錄其辭欲使今之主團練者皆能如君之勿姑息勿殘暴申明道理蓄養銳氣以助官軍而禦外寇其於國事庶有裨哉龔子本孝友傳家至性過人篤學力行堪爲經師成就後學不少著有詩古文詞各若干首要皆君之貽謀也余爲之欣然曰行矣龔子能識時務必能濟艱難歸保桑梓可謂善承先志矣遂備書傳後以授之

先考殉義府君行述

男 魯桂元

嗚呼痛哉府君之以身殉義也蒙難十有六載含冤賚志以歿不孝桂元負靈櫬歸藏邱墓終天之痛百身莫贖尚何言哉顧其德無述於後則不孝罪益滋大謹卽江右所親承暨慈君素常所傳說追述崖畧備當代大君子採擇焉府君諱瑾字懷瑜自會大父太學公諱湘積德好施邑稱長者先祖維常公諱世綱生而岐嶷弱冠蜚聲黌序坦衷直道望重一邑邑令有大舉必諮拜謁不以時然持身嚴正非公不履邑庭娶傅儒人多內助舉子六府君其次也伯考及三四叔考俱列武庠惟

宜城縣續志

卷下

藝文志

二十三

府君入文序府君爲人剛斷脫畧有氣敢往憫人之困急人之難尤篤友天倫幼讀論語至求仁三讓兩章往往廢書長嘯謂男兒不立奇節顯名徒隨腐草枯朽非夫也從塾師制舉業刷剗說攄心解攻苦勇銳雖家人環列兒女嘈雜聞見無擾嘗以冬月呶晤竟夕擁鑪合目而咏火氣灼衣不自覺祖母憐而起視大駭張聲則驚鑪碎地燃透重衫矣將冠遊庠旣庠乃婚歲科試屢拔優等越乾隆癸未遭先祖故府君痛不欲生躡踊哭泣悲感婦孺乙酉八月服既闋與堂叔德潤公奮志芸臺互相砥勵丁亥秋伯及諸父壽學師於朋倫堂座中

張豪王監宿釁一榴橫修舊怨伯扶王懦構張毒嫁汚  
蟻律摹伯手跡控准司院先是豪怨伯強聚眾圍拆械  
傷祖母罪浮於遣及偽造匿帖獄成而兩傷之局定於  
吏言府尊處和伯恃理直  
不屈由是讞提兩傷己丑秋冬會審伯苦箠楚莫

支府君請自鞭扑以分痛不許遂爭認其讞以身代辛  
卯二月豪流潮州而府君客吳西之會昌里人哀之作  
石榴歌記其歌曰怪石榴斗大懸高帚隕霜未落垂涎  
口阿誰弋取非其有彎弓引滿射鷗手不貫虎額貫魚  
頭兩傷纔罷休伯氏惹出仲氏愁可嘆行人災邑人走  
記失傳嗚呼禍本王也而波及伯既及伯也而累府君

宜城縣續志

卷下

藝文志

二十四

讀里人之歌情誰遣此而府君以代兄故冤歿異地無  
怨言時不孝以先年乙巳奉慈命侍疾膝下府君於丙  
午春發勞瘵歷夏徂秋起而復革者再困牀褥者三閱  
月不孝日侍湯藥未嘗須臾離左右不聞喚奈何聲至  
易簣時惟囑令善事祖母勿違乃志而已又昔逮存年  
寄母書有云衛壽代兄而兄亦斃伯道棄子而子弗嗣  
今兄存而子有我之於古人所獲多矣嗚呼府君之志  
如此何天竟令其覆沉於地下乎憶念及此心碎腸裂  
而不孝之罪上通於天矣方府君之初免喪也諸父各  
爨府君於田產惟取其瘠者器用雖自置義不私已有



客行祇挾微貲既得旅地不儲財亦不嗇於用都人無  
富貴爭交府君有急難排解多賴府君力損館後不孝  
扶櫬歸里邑之人祖送河干以百計朱陳王三性皆垂  
涕越境不孝以是年十月十八日由會昌水行扶喪凡  
四易舟閱日四十七於十二月初五日柩車抵家奉慈  
命設殯所布靈帷諷吉營兆哭奠七日安厝府君於新  
河南隄口東岸親賓唁曰殉義篤倫由是贈稱府君爲  
殉義先生府君生於乾隆戊午二月二十八日丑時卒  
於乾隆丙午秋七月朔有八日卯時享年四十有九配  
母張儒人通女傳著賢聲來歸十年罹府君冤遂成永  
宜城縣續志

卷下

藝文志

二十五

訣乾隆癸丑以節孝舉於鄉制軍畢採載湖北通志有  
傳嗚呼府君之逝也爾來二十有一年矣不孝負罪深  
重偷活餘生苦先型之多所未睹愧痛語之追次無倫  
懼益湮沒聊述梗概仰乞俛鑒賜鴻章以榮泉壤俾先  
君子藉以不朽曷勝哀感之至

壽爭伋死覽蹈祥危一門悌弟千古人師魯公繼作  
鼎立四維讓產事鮮殉義者誰百年已往聞之神馳

光緒八年任宜城縣教諭事後學張紹良謹銘

壽彤階楊先生六十壽序

謝 蘭

今之所謂士者獵科第而已名也實則無之角技藝而已末也本則無之夫求士於名與其末斯靡靡者皆捐棄其實與本囂然浮道以相應雖得科第不爲貴藝雖工有文無行君子薄之蘭丙寅冬承乏宜城即聞城南彤階楊先生賢因歷詢其生平行誼稱之者曰先生名諸生貧而狷者也古心古貌靜穆自喜居常不與外事不履公庭地方官率聞其名而不識其人考簡侯先生耆年碩德推一邑山斗門下士有聲譽序者無累百數十人先生確守一經承顏順志五十猶孺慕母病痰賸

宜城縣續志

卷下

藝文志

二十六

侍奉湯藥終歲不出戶夜靜少安息輒取醫經簡閱宣究靈樞素問金匱秘笈靡不瀏覽以是精歧黃術父事伯氏藻汀茂才撫姪肇印飲食教誨恩勤如己出其教人以修身立品爲首務倫常日用爲庸德館穀所入輒以調貧乏人有一善必津津稱道不善者若惟恐先生知其爲鄉里所推重如此蘭心識之急欲一見先生而先生久不得見折柬招之乃以他出辭既而月課縣學生其長君肇端次肇盛藝特佳蘭器之累置高等明年縣試拔其姪肇印冠軍又明年其三子肇馥亦冠軍先後補博士弟子員而先生之不得見如故今春蘭受代

始得主先生家先生始出修地主禮粹乎其容也藹平其言也食指數十門庭肅穆書聲之外無響語鉛槧之外無長物質經問字之外無雜賓益心儀先生之爲人竊議向者人之稱先生猶未盡也夫天下之治亂發端於州縣州縣之善敗覘兆於學校是故爲治之要莫先於端士習教學之方莫重於立師道士習端斯民風振師道立則善人多今使後生小子羣致力於崇實之學修務本之教以駑名爲恥以逐末爲戒謂先生孝於父母凡有父母者皆宜孝先生友於兄弟凡有兄弟者皆宜友先生義方有訓徑竇不由凡有子弟列衣冠者皆宜城縣續志

卷下

藝文志

二十七

宜教以正安汝止熏陶漸染日變月化風氣潛易人文聿興不亦鳴琴賦詩友事兄事者之厚幸哉今年六月二十八日爲先生六十初度其門人劉學博錫釗寓書江陵以祝嘏之文屬蘭謹即耳目所聞睹質實言之正告劉君知師友之藉觀摩之益及宜之士流俾曉然於名實本末之別在此不在彼且以諗後之尹茲土而有志於磨世礪俗物色真士者

魏貞女傳

姚國搢

昔歸太僕謂女在父母家而爲所許嫁者終守不合於義桐城姚惜抱聞其言而過之夫女子亦獨行其志耳烏知若者爲義而勉而蹈之士大夫乃必援禮以爲說大非君子與人爲善之意吾鄆百里邑耳前明有廖烈女死之日虹光燭天至今懍懍有生氣越二百餘年而有魏貞女貞女者父曰魏常昭就職從九品兄曰崇本恩貢生任大冶教諭貞女飽聞詩禮訓幼字邑庠生嚴大中之子德煥煥以力學致疾死貞女痛欲身殉不食者累日父母百計譬之乃納勺水後白父母願歸嚴氏

宜城縣續志

卷下

藝文志

二十八

爲嚴守父母駭然不以應力防之稔年防稍懈貞女乃央鄰嫗以煥之小祥日導至其家哭奠於位起拜舅姑皆錯愕不敢當禮客畜之而女之父母旋覺之即遣人來迓貞女不顧也魏與嚴居同街衢於是貞女不歸迓者相望諸姑姊日來勸貞女歸其舅姑亦好言誘之月日事未靖時余館於嚴課煥之兄若弟嚴君乃質余曰娶婦未廟見而死歸葬於女氏之鄙所以明從父之義之大也夫已嫁而未廟見者且然則未嫁而爲之守豈禮也哉余曰子何以禮爲哉亦論其志耳適其家有惜抱老人集因取所作張貞女傳共讀之嚴君乃恍然曰

是固然矣獨其年豐盛數十年甘荼如飴談何容易從容就義士夫猶難之况女子乎余則曰是無足慮天地之正氣往往不鍾於男子而鍾於婦人彼五季五十二年五易國八易姓生其閤者朝梁暮唐倏晉倏周誰復知有氣節哉而王凝妻李獨能斷臂以完貞故歐陽公急進之以愧長樂老人況我

### 朝表章節烈

聖化涵濡入人者深歷觀往代女以貞著者恒鮮而本朝獨層見迭出指不勝屈豈非感觀之效至速而專一之性女子尤勝於丈夫與且夫德門盛事非徒貴科名

宜城縣續志

卷下

藝文志

二十九

之隆軒蓋之赫已也惟孝子悌弟烈婦貞女天恆靳不予人而有之大足爲門第光語未竟嚴君抑然自下若不敢承者而心已然之自是不復趨貞女歸矣貞女亦循循盡婦職善事舅姑舅姑轉憐之謂得貞女無子不啻有子也越十餘年廣西梁鶴賓令吾邑禮義君子也嘉貞女之操式其閭旌之曰貞比冬青嚴君愈自斂抑不以懸諸室余諗之曰蓋棺論定吾滋懼矣余方擬爲貞女傳聞其言遂輟筆今歲在著雍余年七十有一髮日益落齒日益豁精神日益頹散恐不獲俟貞女之終且觀貞女之志二十年如一日有終馬之志夫勉強爲

之者或有初而鮮終今貞女獨行其志不爲眾撓豈有  
年已四十而自喪其志者乎吾有以保其終矣因述其  
大略歸之魏與嚴俾藏之他日續之曰女以某年月日  
完貞吾知嚴君必欣然慰而余亦自幸不失言也夫  
論曰人多言世無好人抑知天柱地維無傾欹之日則  
摭拄綱常何嘗一日無其人哉孔子曰十室之邑必有  
忠信觀於貞女不其信與或謂貞女行太激不軌於中  
庸夫薑桂大黃其性至偏其愈疾至捷此伯夷之風所  
以足師百世也然則當斯世而有斯人其不足風乎

書宜城乞人胡德選事

安襄鄖荆  
兵備道

方大湜

光緒六年六月宜城縣紳望懋功牘陳其縣孔家灣賓興館緣起而爲乞人胡德選請獎予披閱一過作而歎曰異哉乎乞人也乞人蓋宦裔及其身極貧而匄久而去匄爲傭傭積日饒乃出所藏新祖祠曰吾無以後吾祖姑藉贖不孝旣而分給兄弟子使治產繼又舉四百緡助賔興今尙獨身棲古寺自奉不加於匄時不營田宅不娶妻妾曰無以累我或嗤其非情乞人曰吾非有惡於財而棄諸地也顧吾乞多財之家二十餘年矣主人早夜遑遑握籌算然怨毒叢集而莫能救求如乞人

宜城縣續志

卷下

藝文志

三十一

之肆志無畏焉不可須臾得也然則財者烏之弓而魚之鈎乞人雖賤奈何以身爲魚鳥而殉之且吾向所從乞之人今有乞於人者矣乞一耳苦身焦思私已而卒歸於乞何如早散焉而安吾乞之爲逸乎吾又異其言以爲有類圻者王承福然韓子疑承福不肯勞心爲人近楊朱爲我之教以視德選之利濟爲懷未可同日語矣德選又嘗書良心圖以自佩夫自古聖賢所以立人極扶世風者不過保此心而弗失耳此豈習楊墨者所能知而況乎其下哉夫簪纓世胃人所誇耀以爲榮也不幸而流爲乞匄門戶之辱莫甚焉而烏知夫匄而賢

者之反辱爲榮耶而又烏知夫庸庸者而富貴忽焉湮滅曾不足與勺而賢者較毫末之名耶是尤與於賓興者所當深念也吾與其人而旌以文使鐫之賓興館壁以永其傳且以示夫身不爲勺而心不若是勺者



怡齋望先生傳

陳天驥

公諱登瀛號怡齋邑庠生雅量深沉性安淡泊諸事求實踐事父母承顏順色甘旨親奉每食以爲常諸弟偶懷意見公委曲調持開誠婉導和睦無閒言嘗謂其家人曰予號怡齋蓋取兄弟怡怡之義也汝等其善體之公慷慨好義於本根尤加庇蔭曾憫今伯考際泰公之困乏舉四百緡借券取而焚之曰無今後世子孫執據追索傷和氣也其間左族右叨福庇者指不勝屈同治閒歲歉比戶多缺食公指困分給無吝色時其家僅可小康耳乃能慨然傾囊若是道光閒飢民聚鬧滋變

宜城縣續志

卷下

藝文志

三十三

邑侯韓素知公賢今撫綏之境內賴以安靖髮匪竄擾邑界奉諭爲西鄉團總聯引正紳奸猾斂跡獄訟稀少至今孔市商賈暢茂皆公力也父老猶稱道之弗衰前督部堂官保獎六品軍功咨部註冊平居教誨子弟反覆解說孜孜不倦遊其門者雖極愚魯莫不各成其材以去鹿門主講金殿山喜與談論嘗云教書惟君得法觀君三子文理清通卓犖不羈皆佳器也惜君老矣不獲延至舍下課我兒孫讀也其推重如此公生於嘉慶戊午卒於光緒乙亥考遴文林郎享年百歲公七歲妣氏孫即世賴祖妣氏蕭撫字者居多繼妣氏

李亦樂公之孝順視如己出安人氏申治家有法長子  
懋功以廩生就職陝省府經歷次子懋修恩貢生三子  
懋敬廩生執業於愚門下因得悉公之雅範擇其行之  
尤精卓者而誌之

何潛氏基誌銘

斷指封髮以節傳救父乳姑以孝著自古閨闈中行義分見尙矣我朝表勵風俗窮察隱幽請旌孝者由都憲衙門請旌節者由儀部衙門而旌節類曰節孝謂性既貞者德必順也然兼有其理不必兼傳其事兼之者宜邑潛孺人孺人生於嘉慶八年癸亥歲潛宗夏之女何學禮之妻也其姑周氏自二十二歲無子苦節中年立學禮爲嗣道光二年壬午歲孺人歸焉越三年學禮歿孺人亦二十二歲膝下僅遺一女摒擋家務不憚勤勞甘旨奉姑自安粗糲人至家輒走避雖族戚鄰里亦罕

宜城縣續志

卷下

藝文志

三十五

見其面道光十二年姑周氏歿孺人年三十孑然無依殯姑堂內二十年曉夜依依一如生日咸豐二年王子歲粵匪竄楚移葬於外朝夕焚香墓前又二十年嗟呼殯姑在堂古人刻木之心也拜姑於塋古人廬墓之志也大孝終身慕父母孺人其庶幾乎況姑爲貞姑繼述志事至死不忘則節卽所以爲孝而孝愈可以勵節鄉黨重其節孝公議請旌孺人屢聞而屢阻之曰生平之志豈以求名其意益超然遠矣士有一端之善無不求自見其長至備歷艱辛無可告語得一人表章而揚厲之不沒其苦衷雖君子仁人亦當強顏爲歡破涕而笑

何孺人之性獨若斯定耶惟其性定故其節至而其孝  
純同治十一年王申歲孺人年七十卧病紅光滿室光  
散而孺人終族戚悲其情而高其義立堂姪何生貴以  
承其宗癸酉冬在學諸生爲予言其事予敬起曰至矣  
哉至矣哉急牒請轉詳於上甲戌二月十三日經巡撫  
部院郭具題噫請旌非孺人志也然義不容辭 我朝  
節孝傳中得孺人而增重予不揣固陋旣誌而爲之銘  
曰柏松濟美任媚周姜乾坤不毀貞順永芳

廣文魯公雲衢先生傳

丁丑進士授  
戶部主事

張繼良仲房

丁丑冬予省親回籍時長兄出秉宜邑鐸戊寅夏又由籍省兄於宜凡宜邑生員謁兄者吾獲接見焉有城居廩生魯君鍾泗鍾濂昆仲溫文端厚心竊器之退徵所許於兄兄述其先德嘖嘖不置越日登門拜訪魯君以其高祖殉義先生行述暨妣節孝張孺人紀在邑乘者哀示並出其會祖雲衢先生著述孝友節義卓卓可傳然殉義先生代遣則有行述傳之節孝孺人成夫義則有邑乘傳之予謏陋不復傳傳雲衢先生先生諱桂元號雲衢甫脫襁褓殉義公已客江右之會昌漸長詢知

宜城縣續志

卷下

藝文志

三十七

父所號泣欲往母曰有待奮跡顯親乃爾父志也就學於萬先生年慶公之門厲志董帳較同人加倍刻苦屢以省父請於師師曰有待年將冠決志走省隻身至會昌侍殉義公疾孝養逾常踰年疾益劇先生不脫冠帶數月竟抱痛於天涯旅次中是時先生寒素土耳其來會昌手無餘貲然當大故二盡禮百日後扶櫬數千里出驚濤駭浪危而復安抵家竭力拼擋喪葬士民無老穉皆感泣爲殉義公泣並爲先生苦志泣也禮暇哭受母訓痛讀父書釋服入邑庠旋食廩餼以明經授枝江訓導所在手不停披修宗譜紀一族分合源流作年譜紀

一身出處行止又纂輯鄆都採訪記分例二十四則卷帙積八函噫先生之志遠矣哉紀事紀人非奉官諭而責以誌也非受人請而獎以文也特其心不忘勸善務傳所可傳以供一邑之徵考以作一邑之楷模耳歿後數十年上官檄修邑乘珥筆者但取先生書附益近事不勞而成因咸歸美於先生先生之志遠矣哉蓋志在可傳故於人可傳者樂傳之傳人之可傳故其立身大節皆可傳惜年譜行述因兵燹時埋藏土中腐朽莫辨其可傳者不得盡傳予但即其著述與我兄所聞於人者傳之嗚呼世德相承根深則枝茂爲先生後者勉旃

魯公渭濱傳

張紹良

古人謂自求多福世之膺厚實享遐齡者皆其敦篤之行與仁壽斯人之心所自召前歲丙子予壽魯生國望之祖有人談其生平懿行竊嘆俾爾壽而富之有由也歲己卯魯生請於予曰我祖仁孝性成年九十時蒙鹿門主講實君張老夫子獎以壽序然其言文願師質言之生因奉其行述以示予予即証之人言以傳公公諱清源字渭濱武昌衛軍籍援例貢成均總角失怙哭泣三日不已人早異之既偕兩兄依重慈膝下孝養獨摯旋遭母喪哀毀骨立數日水漿不人祖母諭以大義痛

宜城縣續志

卷下

藝文志

三十九

不能止每逢春秋祀及嚴慈之忌無不追泣者嘉慶中河水害稼兵燹毀巢遂棄儒而農農隙復營懋遷以謀祖母菽水之供時當匪騎縱橫攜家流播兩兄與謀分居公素恭兄命其言不敢違各受瘠田數畝而祖母之膳公願一人肩之竭手足勤劬不敢缺甘旨祖母就養數年而歿公盡哀盡禮喪費皆由一人籌畫不責償於兄家先是長兄亡於祖母之前公稟祖母出已錢數十緡以贖終祖母喪後二年仲兄亡所贖之數亦如之然以解以推而財亦漸起所治田產量分族戚貧者給牛種督耕耘納租不計多寡故族戚沾潤者稱道弗衰遇

歉年指困周卹並不第族戚已也嗟夫孝友睦婣任恤  
不講於世也久矣士大夫稱先道古恒以財產盈縮爭  
分寸而操同室之戈視族屬若路人聞公行不滋愧乎  
公生於乾隆丁未卒於光緒戊寅享年九十二晚歲家  
稱富有子紹吉國學生孫五長國望弱冠遊庠旋食廩  
餼餘操管爲文及幼讀者俱卓犖才重孫三天何嘗負  
公哉昔賢有出單微而篤行可師者予亦臚列公事以  
示勸至率乃祖攸行尤所望於魯生者



知府銜陝州直隸州知州周雲舫先生傳張炳鐘公諱仁壽字鏡瞻雲舫其號也賦性純篤聰穎異人弱冠以府縣院三試冠軍補博士弟子員旋食廩餼公雖仕族無改寒素兼以連年水溢旱蝗家益窘惟糠覈菜根度日乃訪戚友於吳越蜀燕之郊十餘年始歸學益進選拔捷京兆成乙巳進士以縣尹筮仕江西初權星子繼補南康兩分校文闈所得多知名士若歐陽雲之直諫黃純熙之死賊其最著者也未幾以母憂歸服闋改官河南權杞縣調息縣攝光州印務補河內陞陝州權河南府事同治甲戌告歸其任星子也邑濱鄆湖陽

向微吾父母吾儕皆賊屬矣中丞頷之因備詢其治狀及其姓字而去是爲受知中丞之始而河內之調由此公涖河內適沁河堤圯竭力督築民賴其利又銷淫像鑄銅炮弊俗以革東匪甯境籌防郡城修築寨堡賊不敢西向全境無虞在陝十年勸義倉振學校修貢院教養兼施又數平冤獄圜扉常空閔陝民多鑿崖穴居庭院如井深十餘丈民徃徃輕生訛索名曰跳崖公嚴禁之案遂絕時西疆用兵陝當秦晉之衝軍行絡繹供億浩繁公條理井然而民不擾凡所莅之處尤以人村爲急下車觀風必詢地方利弊月課諸生必諭以敦品篤

行並示以讀書作文之法此公之政績卓車口碑者也而尤難及者星子有兄弟爭產構訟賄以數千金公正色拒之既察其可動也據理勸諭咸感泣輯睦沁河舊有陋規數巨萬有以嘗公者公愀然曰宰不能衛民忍取其財而重剥吾民耶力却不受杞有劣紳因緣進謁徐言北鄉有案可得辦公費數千緡公當斥絕戒閩人不得通其廉如是公自通籍後每日皆有筆記所判案皆有副本著有案牘偶存若干卷在署日晨起即坐堂皇嚴絕出入遇事輒判並不輕怒妄刑有疑難務詳審得情暇則披閱公牘夜分始寢數十年如一日其勤如

是其勦擒逆於息也嘗昏暮至一村堡所攜不過百餘人突而匪黨蜂集鉦炮齊鳴人皆相顧失色有勸公微服遁者公從容指揮大啓寨門令丁壯亦鳴鉦炮應之密遣數十人於寨外里許多燃火炬鳴鉦炮呼聲齊起昏黑中賊謂援兵大至乃悉驚潰反多所擒獲其有膽有識如是緣是亦屢瀕於危矣嘗奉使途次鄭州突遇擒逆身首受重傷墜車下恍惚若有掖之升者乘車疾趨廿餘里乃免賊斫不死神扶持母亦天佑善人歟嗟夫公少歷艱辛由寒畯至州牧四十年來日在憂勤惕厲中而困屯不移其操坎險不驚其志寵利不介其懷

宜城縣續志

卷下

藝文志

四十三

惟是民生吏治必求無愧此心解組後仍家無餘貲乃至窮困以歿公嘗曰吾人服古入官爲顯親揚名計肯爲辱親敗名事乎人皆信爲不渝素守云

論曰士不遇盤根錯節不顯利器公歷試鉅艱罔弗擘機中竅游刃有餘使稍營進取何難立膺顯擢乃慷慨任氣風骨矯然卒以不合時宜短馭長材人或爲公惜然公之垂裕自遠所謂不於其身必於其子孫者豈真廉吏不可爲耶爰書之爲涖民者勸

明經姚公傳

張紹良 仍房

明經姚公諱國搢號雲階至性過人兩事繼母無間言與弟友愛工詩古文辭躋於鄉薦以明經終據經義造就後學居城市於讀書講學外無一事挂齒頰間邑宰有建學修城諸役必敦請董其事事畢絕迹公堂布衣疏食宴如也生平古貌古心見人稍踰尺寸必嚴詞訓戒之人省闈十八次附公舟就試者如侍嚴師一切嗜好禁不敢發然獲公教益無不樂與公偕老時率諸孫由城居遷鄉以育以教亦可想見其用心沒後人猶懍懍然談公言動謂可爲士林法著有四書講義折衷綱宜城縣續志

卷下

藝文志

四十四

鑑輯要易義聚星好手錄古書年七十餘罔懈出公門下成弟子員者數十人第際銓號藻亭幼穎異讀書不間寒暑隨讀隨錄十三經皆抄有全篇未弱冠蜚聲庠序爲文汪洋恣肆肄業江漢書院邀主講袁金溪彭于凡諸先生賞以苦學覲疾早歿士林惜之其所學取裁於公者居多

論曰予初來鄢卽聆姚公爲古君子因備詢其實聞不辭而在人口者津津尙矣壬午續修邑乘邑侯命公之孫實丞肩筆削任予閱其稿於公事缺焉未錄予不敢沒公善敬以所聞於人者傳公

寶石瀨記

王嘉謨顯廷

宜城臨漢江江邊有洲曰雲水其地有泉名金沙以釀酒極香冽今圯於河矣而邑乘猶載其異弗忍湮也其上十餘里有小瀨多寶石有如雀卵者馬肝者潔如人面者朗若鏡屏者紛集類禽魚蟲介者紋理隱然象花卉樓臺山水形者光怪陸離莫能殫述舊誌未載人罕知者辛未春黃岡洪右臣先生北入都舟行經此見晶瑩滿渚喟然曰吾鄉寶石山著異久矣茲石十倍之竟寂無聞豈彼輝於山此隱於水所憑固有不同者耶因作歌以表其異兼拾一囊載之都中觀者輒袖去己卯

宜城縣續志

卷下

藝文志

四十五

冬予往借觀則僅剩數枚矣噫斯石也其含精秉秀養晦韜光於吾宜也不知幾何年乃適於流水遠春扁舟邂逅得名公而表章之遇合良非偶然或且慮其既經播揚好奇者搜羅無虛日轉不若泉壑幽寂得以自適其性然天不愛道地不愛寶凡夫瑰奇而磊落者類不能以終藏何必不大發其輝光使與日星河獄而俱壽哉然則斯蹟之傳其石所願耶抑非所願耶石不能言予亦不暇叩石而問之姑爲之記

古今體詩

木香村

清 陳大中

楊柳穆穆拂野塘春風不斷舊時香  
詞人一瓣清如許怪爾支離對酉陽

宋玉墓

寂寞蘭臺宅荒涼託舊墟  
朝雲端有屬宿草已無餘  
秋氣詞臣老山神譎諫疏  
擬騷吾特嬾空復讀遺書

人日宜城道中

洪良品 右臣

煙水蒼茫雁影來楚天寥濶暮雲開  
草堂詩思逢人日客路春光入酒杯  
樹色綠分冠蓋里夕陽紅近杜康台  
頻年總負東風約寂寞西園雪後梅

宜城縣續志

卷下

藝文志

四十六

宜城怪石歌

有序

宜城縣東漢水所經洲上多小石奇形詭質  
五色瑩然不減吾鄉之寶石山也辛未春予北入  
都經此拾取一囊載入都中特表而出之以俟  
好事者

黃州怪石寶在山宜城怪石寶在水瑩瑩玉氣映泥沙  
璨璨珠光散洲沚我本黃州人能識怪石珍今飲宜城  
酒喜與怪石親怪石之生本不偶我爲一一窮根源龍  
王宮中醉按劍怒翻寶藏海水渾蛟龍行雨戲遺卵萬

魚睥視不敢吞江妃漢女出歌無遺釵墜珥何紛紛賈  
胡舟覆鮫妾泣明珠瑪璃如頑盆洞天一品差可擬壺  
中九華安足論呼兒拾取細摩玩片片皆是山川魂君  
不見青州鉛松同作貢莫言頑質全無用我將持獻虞  
廷作鳴球樂奏簫韶致儀鳳不然置之長安客舍間江  
漢睢潼皆入夢夜深月落燈照岸坐聽鄰舟倒春甕挑  
燈對酒石無言且續東坡怪石供

次韻和洪右臣御史宜城怪石歌

王嘉謨顯廷

襄陽西南九十里城古鄢城水漢水扶輿磅礴春復秋  
劍氣珠光滿汀沚嗟哉此間大有人由來不羨時流珍

宜城縣續志

卷下

藝文志

四十七

珠玉咳唾落江漢化作怪石魚龍親人訝怪石怪孰窮  
怪石源塵沙隱見精彩蘊日月沐浴波濤渾支拳欲同  
砥柱立累卵時戒蛟螭吞洪公好奇舉珊瑚盆囊累篋  
百怪紛舵師蹙額漁子笑瓦礫底堪羅玉盆我聞雲觸  
泰嶽崇朝能爲雨又聞天補媧皇太古非空論安知中  
無瑚璉器或恐上應星斗魂君不見荆山遺璞和氏貢  
銀河亦効支機用矧茲五色晶瑩溫且堅雕鏤堪作銜  
書鳳所嗟頑質攻錯疎海上三峰空縈夢奇蹟歛喜吟  
囊收深宵披衣倒殘甕陸離光怪聲鏗鏗對石還增新  
詩供

夫子岬

李文鳳

梧岡

西山名境舊相傳步入山中望果然羣岫湧回波立海  
一峰躍起鯉攢天南有山形如魚長罔尾曳春渠外怪  
石鱗翻夕照邊路轉橋東時舉首滿空秀色落村前

陸公隄

李文鳳

梧岡

滔滔不識幾千秋捍衛今憑我邑侯地壅長隄環綠野  
岸連高阜護青疇近迎反照橫塘面遙隔半帆出隴頭  
寄語兩邊齊插柳甘棠又爲陸公留

宜城縣續志

卷下

藝文志

四十八



志之體類於史然亦有與史異者史紀一代其事繁宜核而勿漏志紀一方其事簡宜核而勿支若偏邑之志較之通都尤其簡也於是爲之者病其簡於古事則牽引附會以益之於近事則夸飾張皇以大之而傳信者寡矣宜志成於同治丙寅距今不及二十年適大府檄修通志郡志<sub>余</sub>與魯君鍾泗面承邑侯李公命纂續近事夫事近則易爲核苟不核之求而簡之病徒增加藻繪以爲觀美近者轉以失實其於彰勸戒大檄揚之義奚當哉故茲論次蓋其慎也不敢蹈支之病而良有司之建樹鄉先生之典型賢媛貞姬之風烈已不勝書如宜城縣續志

卷下

跋

四十九

此此固鍾毓之厚積而益彰抑於涵育於

聖化者深故卓然有以振拔層見輩出後來而不啻居上與夫靈秀之儲不以偏域限特患風聲之不樹耳有導之先者則觀感而興日益蒸蒸焉執筆以俟者將大書特書屢書不一書而已也安在必支其詞以致飾始足增邑之光哉

峕

光緒八年歲次壬午嘉平月邑後學姚德華謹跋